

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1940

T 3200/0823.83 17

6

廣德州志卷八

哈佛大學漢和
圖書館珍藏印

營建志 學校二

學校 二

明倫堂 萬曆志 舊在 文廟後明成化十年知州周瑛始

遷於廟東闢學圃市民田而增之題明倫堂匾宏治七

年署州事寧國同知葉元復重建為堂三楹堂東壁嵌

以臥碑東為興詩齋成樂齋祭器庫西為立禮齋會饌

堂書籍庫 案今堂五楹東西齋 前為道義門門東為題

名記房圮為訓導宅西為遷學記房圮今建陸侯修學

碑亭

案今題名記碑陸侯修學碑及亭均無存惟遷學記碑現砌在道義門右墻內又前為儒

學門門與廟皆南向嘉靖四十一年巡按劉以楫徙向

東南隅萬曆十五年以後知州陸長庚段猷顯仍徙向

南案據此則陸長庚乃復徙向南與段猷顯同為改正

用形家迎巽秀之說其誤益見矣門之西為段侯修學碑亭案碑及亭

今俱無

國朝順治九年奉文刊立臥碑於明倫堂之左曉示諸生

楊志儒學大門十二年冬學正黃如馨訓導凌質改復

舊向案萬曆志載萬曆年間已改復舊向矣此時不應再改楊志此句恐有誤其儀門久圯

康熙四年知州楊苞學正荆振日重建繚以垣墻視舊

加壯麗焉仍題匾額為道義門案康熙二十四年知州

朱國柱重建明倫堂有記附李志雍正六年知州丁勺

曾學正胡伯炯重建明倫堂工未竟八年署州事徐敦

蕃繼成之案乾隆四十六年知州石應璋學正朱裕觀

重修明倫堂五十五年知州胡文銓捐俸重修道義門

國朝朱國柱重建明倫堂記五倫夫人有之而未必能盡

先王憂之於是董率開導之曰君臣有義父子有親夫

婦有別長幼有序朋友有信所以明之者如此而猶恐

天下之未盡明也凡郡國所在設為庠序學校而擇其

秀良之尤異者為之師儒以教之由是崇建學宮即大

教訓其子弟其中設鼓鐘勒碑版期於大明先王之道
 凡監司以上按部其地必先謁廟視學胥於此講論經
 傳觀省風俗而守令則朔望至止延見師生考士習而
 訪民莫焉凡學之有斯堂與堂之繫於學者如是其重
 且大也廣德故山州僻壤然有其學則必有其堂而創
 建已久傾圮載告今

天子御極之二十三年為上元甲子薄海來臣普天胥順
 廟堂之上修明禮樂創制顯庸頒行郡邑咸使敦聖學而

崇文事而國柱適於是時恭膺

簡命來守是邦下車之日首先視學登斯堂也觀棟梁之
 將頽悼垣墉之盡毀岌岌乎有不能朝夕之勢即與博
 士及諸弟子謀所以修葺之道而縫掖中有鬚眉甚古
 視履秩然者揖而進曰堂之建在成化十年距今幾三
 百年矣中間亦屢修葺而僅事外貌塗飾木之不堅而
 腐者不能易陶冶之積久而潰者不能更至於今不可
 復支非更新不可莫若易之便予曰易之固善而所費
 浩繁民力恐不任奈何則又曰明公熟圖之此邦之父
 兄弟猶可使也凡諸艱苦之役請以身任於是國柱

即捐俸為之倡兩博士轉相告語勸率其子弟弟子弟之
 屬又轉相告語以逮於鄉曲舉所謂明倫之說未必家
 喻而戶曉者與之縷析而條分焉忠信孝友之心莫不
 油然而生力於是焉集財於是焉辦木材擇堅瓦甃務
 厚工師選良典守必慎錢穀之屬司出入者無爽胥靡
 之役均勞逸者有法民情子來若趨父母而堂乃告成
 事焉今夫土木之功至難舉也率作之勞至難合也先
 是凡有公役守令必具文請於臺司臺司必詳慎而後
 報可迨於鳩工而延緩之歲月已不可勝計矣茲役也
 倡始於一旦不廢帑藏之一文不勞簿書之期會民力
 無匱而功已完辦向之欹斜而剝落者今且巍乎一新
 堂構依然輪奐載美舉世所謂至難者而奏功若至易
 非尋常智慮之所及者則何也嗚呼此非一邦之盛事
 也哉而邦人不敢居曰維大夫之功守吏益瞿然不敢
 安曰此賢士大夫與父老子弟之功於是交相讓而適
 相成也倚歎何其幸乎計始事於乙丑歲之三月落成
 於本年之八月為費子金凡九百餘兩同事經營者廣
 文王君佶沈君會成其博士弟子之出力俛助者甚多

而趙生先簡為第一例皆得書不佞國柱因得伐石以紀歲月康熙二十四年乙丑之秋八月奉直大夫知廣德州事三韓朱國柱撰判官劉日吉吏目馬生圖儒學署學正事舉人王佶訓導沈曾成同立石現存

附明倫堂鐵鐘明景泰三年知州鄭賢等造有銘今存

大成殿中至現在明倫堂之鐵鐘其字跡已鑿損諦觀

之乃祠山廟鐘也

明倫堂鐘銘範鎔其金鏗鉤其音晨昏有節壯觀儒林景泰三年四月八日造知州鄭賢同知展泰判官郭翔吏目章文瓊學正孫達訓導焦榮鄭傳

尊經閣楊志 文廟後西北舊為元妙觀明嘉靖四年判

官鄒守益徙觀於東郊即其址為尊經閣案湛若水撰記見藝文

凡三間六楹下為明善堂萬歷志明善堂即尊經閣下舊有匾額今不存東西

翼以號房十一楹案今無會之以門為復初書院案今無

題以訓多士嘉靖二十年判官王杏主水西會嘗聚講

其中案水西會係寧國講學會名王畿龍溪集中稱嘉靖己酉赴水西之會浹旬相告歸復量諸友地里

遠近月訂小會圖有終也據此知水西會中人散處他

邑者各就近處月為小會時王杏以御史謫任嘗奉督

學馮天馭檄覈復初書院田其所謂主水西會想為水

西月會之主也又王畿桐川會約稱鄒東廓判廣德建

復初書院為講學之所畿嘗三過桐川與諸友相會至萬歷初畿赴水西會過桐吳同春為州守挽留之檄遠近諸友凡百餘人大會於復初書院是閣中聚講之盛自嘉靖至萬歷數十年中其會殆難更僕數矣楊志所載特記寧國之會萬歷十年禁立書院以閣與書院混亦嘗舉於是閣耳

議即毀十一年知州方沆重修未竣以遷秩行十二年

知州陸長庚修葺之二十年知州段猷顯重葺四十年

知州李得中重建今圯案楊志分尊經閣復初書院為

閣至李得中重建于尊經閣則曰文廟後規制壯麗

甲于一郡知州張嗣誠倡建今圯似前明閣與書院竟

有兩屋細按之名雖二而實則一不應分敘且稱張嗣

誠倡建考張嗣誠接李得中任李甫重建張何倡建之

有既言閣創于鄒而又以為李志康熙五十八年知州

張倡矛盾甚矣故削而不書周在建學正吳寧謐重建案今閣在 文廟正北較嘉

靖間 文廟西北舊址則又稍東矣閣凡五間甚宏厥

閣前繚以圍墻中為門即康熙年間所建者其西北基

地舊被陳姓佔去三分餘乾隆五十七年學正王其福

訓導吳景濂詳請知州胡文銓勘丈因係隙地姑免折

讓仍令每年出租立案

附魚鱗冊 在城都壹畝天字壹百柒拾玖號尊經閣基東

至官溝南至 聖殿西至官塘北至口口長柒拾弓貳

尺橫貳拾捌弓積壹千玖百柒拾壹弓貳尺計地捌畝

貳分壹厘叁毫叁絲叁忽 天字貳百拾伍號官地東

至尊經閣南至灌巷西至許地北至官塘長貳拾叁弓

橫拾弓積貳百叁拾弓計地玖分伍厘捌毫叁絲叁忽

天字貳百拾陸號官塘東至尊經閣南至官地西至施
墻北至董墻長拾玖弓橫拾捌弓積叁百肆拾貳弓計
塘壹畝肆分貳厘伍毫

書目 奉頒書籍
按年列後

上諭三十五本

聖諭廣訓一本

孝經衍義三十本

四書解義九本

易經解義十八本

朱子全書二十本 以上康熙
年間頒

駁呂留良四書講義二本 雍正十
一年頒

欽定書經傳說彙纂二部三十二本

欽定春秋傳說彙纂二部四十八本

欽定詩經傳說彙纂二部四十本

御纂周易折中二部十七本

御纂性理精義二部十本

御纂朱子全書二部六十四本

日講四書解義二部二十四本

日知薈說二部八本

二十一史全部五百本以上乾隆五年頒

十三經註疏全部一百二十本

欽定學政全書八本以上乾隆六年頒

明史一百十二本乾隆七年頒

上諭四十八本乾隆八年頒

欽定四書文二十二本乾隆九年頒

聖廟樂章一本乾隆十年頒

御批通鑑綱目二部一百六十本乾隆十年頒

御撰資治通鑑綱目三編四本乾隆十年頒

御纂三禮義疏一百二十八本乾隆二十年頒

磨勘簡明條例八本

御製樂善堂集十八本以上乾隆二十五年頒

欽定學政全書二部二十八本乾隆二十七年頒

御選唐宋詩醇二部四十本乾隆二十九年頒

御纂詩義折中二部十六本

御纂周易述義二部八本

御纂春秋直解二部十六本以上乾隆三十一年頒

御製文初集二部三十二本

御製詩初集二部四十八本

御製詩二集二部九十二本 以上乾隆三十二年頒

御製平定哱噶喇碑文

御製平定回部碑文 以上乾隆三十二年頒

欽定滿漢對音字式一本 乾隆三十八年頒

南巡盛典四十二本 乾隆三十九年頒

御製文廟碑文

續增科場條例一本

磨勘簡明則例一本 以上乾隆十四年頒

御製平定金川碑文 乾隆四十五年頒

禹貢指南二本

繫齋毛詩經筵講義一本

漢官舊儀一本

帝範一本

農桑輯要三本

海島算經一本

夏侯陽算經一本

直齋書錄解題十六本

傅子一本

養牖閒評二本

拙軒集二本 以上乾隆四十六年頒

欽定學政全書十二本 乾隆四十七年頒

處分則例一部 乾隆四十八年頒

御批續通鑑綱目十六本 乾隆五十五年頒

萬壽衢歌樂章三本 乾隆五十六年頒

科場條例十六本 乾隆五十七年頒

〔案〕萬歷志開載書籍有四書集注或問性理大全五

倫書孝順事實文獻通考為善陰騭易大全易大義

書傳詩傳春秋傳胡傳禮記傳學史居業錄大禮纂

要大禮集議祖訓綱目前漢書後漢書漢文選唐書

唐文粹文章正宗大學衍義補大明會典皇明政要

三蘇文集杜氏通典欽定教條等書皆不載冊數且

並未分儒學存貯與書院存貯也楊門志列儒學書

籍有性理大全三十本五倫書六十二本孝順事實

二本文獻通考五十九本為善陰騭書口本周易十

二本書傳十本詩傳十二本春秋十六本禮記十八
本大學二本中庸二本大禮纂要二本大禮集議四
本又復初書院書籍有性理二十本綱目四十本前
漢書二十六本後漢書二十四本唐書五十本五代
史八本孔庭纂要二本傳道粹言二本程氏遺書六
本龜山集三本延平問答二本朱子語錄四本近思
錄二本小學二本象山文集五本文章正宗十本薛
子粹言二本胡子粹言二本白沙詩教三本一峯文
集二本甘泉樵語一本二業合一論一本甘泉二論

二本傳習錄二本大學古本一本說文字原一本六
書本義二本六書正譌二本射禮儀節一本諭俗禮
要一本訓蒙詩要一本復初書院志一本名臣言行
錄二本其數較多于萬厯志而俱云今無則總歸烏
有矣李志照楊門志開載而刪去今無二字是但借
久經煨燼之書以鋪張學校書院縹緗之富既失之
誣而康熙雍正年間

欽頒書籍若干部反未登載更屬疏謬今詳載列年奉頒
書籍俾知閣中所藏度以供肄業者皆出

聖朝恩賚云

敬一亭萬厯志明倫堂後舊有退省軒嘉靖十一年知州胡萬里改建是亭貯世宗皇帝敬一箴碑及程子四箴范氏四箴注碑萬厯四十年知州李得中重修楊志今圯案碑亦無存

觀德亭萬厯志在萬桂山前稍東訓導署後舊為射圃建是亭今圯

射器

弓一十六

矢六十四

布侯一

乏一

旌一

朴一

楅一

鹿中一

豐一

筐一

觶三

樽二

卓一

洗盆一

籌八十

斯禁一

磬一

鐘一

鼓一

琴一

瑟一

笙二

簫二

壎二

案萬曆志列射器二十四具見當日觀德名亭非虛語也楊志列其目而云今無則兵燹以後與圖籍並歸烏有矣今雖亭器俱無而存此以徐圖修復云

學正署萬曆志在文廟西廡後案即今復初書院基也明知州彭

棟重建案在嘉靖年間萬曆二十三年知州段猷顯修楊志歲

久而圯

國朝康熙四年知州楊苞捐俸一百兩學正荆振日捐俸

六十兩及諸生助貲重建於文廟東前有講堂三間

楊苞題額曰考亭重構後茶軒三間內署五間膳厨七

間案今五間耳房五間前大門房五間案今額曰談經清署

楊苞有建署碑記案今額俱廢案乾隆二十六年學正許

南宮重建茶軒改為五間五十六年內署圯耳房亦久

廢知州胡文銓學正王其福各捐俸併諸生助貲重建

內署仍增耳房五間

楊苞新建學署碑記廣德稱江左大州兵燹以來學署頽傾明倫堂儀門亦圯予拜瞻宮側慨然曰是予貴也謀之廣文荆先生卜基於聖殿東隅諏辰鳩工伐堅以梁陶膏以甃凡堂室廊阿

齋廬庖湊既完既佚計助工役三之一又拮据冰俸二百金修建明倫堂之儀門整葺青雲樓之垣墉今循池水而進瞻黌序做墀修垣馮馮其凝間也縹壖朱櫺翌坐諸生橫經相與敦古誼勤弦誦蹈繩履規永聖人之澤存先王之風將見俗之美則刑罰措材之成則譽髦升語曰學者殖也不殖將落學猶覺也罔覺則迷宮署之與廢關風運之盛衰觀今日之振新在十餘年圯蕪之後予與荆君倡之郡士響應士固多思皇之美而荆君于經師人師之道蓋兩得之矣於是麗之署庭以爲

記楊志

訓導署萬厯志在道義門東明知州范昌齡建

案在宏治年

案萬厯志訓導署有三首載道義門東一署即今訓導現居之署也又載一在明倫堂西齋後知州張仲

建一在尊經閣東判官鄒守益建考明訓導三員故建三署

國朝定制訓導一員署宜廢二而存一乃楊門李志均稱舊訓導署三今俱圯似三署無一存者又稱茅茹書院在明倫堂東康熙五年士民公建在楊志成于康熙六年時訓導適奉裁其稱舊訓導署固宜至茅茹書院在明倫堂東明係即道義門東訓導署改爲之者乃故爲模糊以博創建之名陋矣門李修志之時訓導已復設書院諒已復爲署而秉筆者猶抄襲楊

志原文不增改一字疏謬尤甚今查署中後樓三間
 耳房二間棟梁已舊當係昔嘗名爲茅茹書院之後
 屋也其講堂三楹則乾隆二十八年訓導徐谷鑑重
 建樑上題識現存堂右茶軒三間中有乾隆十四年
 知州曾尙增爲訓導史化鳳題君子居廬額或係史
 嘗修葺乾隆五十八年訓導吳景濂重修增造門房
 萬桂山萬歷志在明倫堂後明成化十年知州周瑛所築
案訓導賈暹撰記今附後以補地形之阨手植萬桂期於多賢山之
 命名以此山巔爲凌雲峯有天游亭中題萬桂山石刻

系以銘焉凌雲之東爲龍首嶺龍首左嶺名朝陽凌雲
 右嶺名橫秋前麓中有澄心右有顧影左有浴鳳三池
 後麓有蘭陂松徑雪竇潛蛟窟之泉清而冽冬夏不涸
 雪竇上瑛題源頭活水石刻及判官涂相詩刻在焉雪
 竇前有古意亭二亭俱圯萬歷十四年知州陸長庚重
 建今圯李志康熙二十二年知州朱國柱重建案今亭
 俱無存桂亦銷亡矣惟周瑛題石及朱國柱詩碑現存
 朱詩剝落可讀者僅三首耳附後
 天游亭見前

古意亭

見前

明賈暹萬桂山記郡侯周先生既遷學復治圃學後地日委土而陔倚之將以補後之虛迎前之實庶與堪輿家言合土委積日加崇鉅聯絡如阜然先生曰是不可無名因號為萬桂山山之峯最高者凌雲凌雲之東有峯昂然若回顧狀曰龍首嶺自西如梯倚者曰橫秋東如虹掛者曰朝陽山之下因其窪而池之曰澄心曰顧影又其東而小者曰浴鳳山上下亭館環列其南枕龍首者觀德亭也西負橫秋嶺者鄉賢祠也上薄凌雲可瞻眺及於無際者天游亭也於是亭形勝備矣既畢功先先生又觀京師秋九月連雨山址逼後垣水暴下怒不可泄山斯頽墻垣盡壓明年春先生歸自京師顧而言曰是誠非遠計乃請於巡撫公得官錢市龔氏地以廣學園培山址乃大之山始無恙山之有泉出焉先生營石覆之其深如洞出所愛石二昇置洞中其色蒼其空如肺曰雲濤雲濤雨則蒸噴則止其色白其雲委積如漾沙曰雪浪雪浪舊出大洞石滴乳成者泉渟涵

洞中得石味益清先生題曰雪竇并識泉所自得歲月復書源頭活水鑱之石雪竇之上重峯纍纍如疊壁引其麓環於前廓其中以為臺臺之北有洲彎彎如野兕角上植梅花外為崇墉墉之下為渠渠通外河其口為石橋水散入汨汨可觀雪竇溢醜其委與渠合渠繞山其日夜流不息渠盡處為斗門以時隄闕水觸石淙淙有聲可聽先生以高才屈小州能不鄙夷其民而教養之使數十萬戶熙然無愁歎之聲乃以餘力成茲勝事每公暇詣學考課已乃登山徘徊瞻眺下酌泉而飲之如圭如璧外人信其為大雅君子哉遷學事先生既文之以石矣謂此細事宜不足書不書何以識本末遲因備述以示後之君子知所愛護焉至若先生所以即事命名皆有期勉諸生之意在諸生遊於斯息於斯其亦有會於心哉不然玩以喪志荒以廢學則非先生所以興學育才之本心矣楊志周瑛萬桂山山房白日靜左右列圖書哲人久不作掩卷空歎歎天游亭人世少知遇百年懷抱孤山亭坐虛廠邈與天為徒夜月憶古意亭幽興不可遏良夜

乘鶴往山深寂無人亭前自俯仰簷月流素輝山泉滴
 清響孤蘭蔽蕭艾叢桂在草莽采芳欲寄遠路阻情悵
 惘緩步歸東園坐見明星上賈暹古意亭久懷名教
 樂果遂獨往心良遊自古然而我幸茲今茅亭在何許
 宛在山之陰盤迴水石秀窈窕松竹林欄檻靡雕飾地
 勢殊幽深俯瞰雪竇泉仰睇桂山岑歷歷薜蘿想杳杳
 猿狖吟軒冕曠若遺物累寧復侵自非高世士孰能此
 幽尋瑯琊無深秀武夷有徽音悠然發長慨坐以絃吾
 琴罕禮與文寮酌古意亭碣石終朝枕碧流茅亭佳
 致坐中幽檻前修竹寒篩玉嶺上喬松翠鬱秋滿座春
 回文字飲一簾風細篆烟浮紛紛柳絮東隣去惟有梅
 香拂桂樓黃松林萬桂山天游亭一徑入高峯桂花
 香幾叢憑軒曠延佇秋色滿吳中樓閣千層出岡巒四
 望通束茅銘尙在仰止思何窮
 國朝宋國柱萬桂山詩乙丑秋月重建明倫堂告成不佞
 已有文記之矣堂之後舊有萬桂山山之巔樹閣口口
 曰天游口口樹環繞四口為一城之口口成化間州守
 周先生所創建也日久傾圮但口口口口荒煙而已今

口口更新口口吟口增口此山為口口立口口口口
 口締造傑閣復還昔日舊觀不可謂非一時之口口也
 因口十律以誌其盛其三云土木原非且夕功煥然頓
 已豁蒙叢山阿媚色玲瓏外殿閣奇香縹渺中憑檻一
 觴浮夜月隔垣萬片肅秋風他年折桂從高手咫尺蟾
 宮是泮宮其四云緬想名賢德意濃堅畱片石篆芳蹤
 穿來自昔池為鳳築就依然嶺是龍遠為筆山培秀脉
 新開硯水觀奇峯古人點綴非無故文教猶堪百世宗
 其十云英才濟濟自宮墻發育誰教奕葉光堂構雖傳
 今日美栽培那及古人忙芳華月裏思新桂風格年來
 重晚香從此垂休千百
 載長鳴家國植琳瑯

存忠亭萬歷志在復初書院鄒先生祠後東隅舊為王靜

學懷忠祠今廢萬歷二十五年知州段猷顯移王靜學
 合范文正真西山周翠渠為四先生祠即懷忠祠舊址

新創此亭後有銀杏樹正修撰死節之樹因名亭曰存

忠仍立詩匾弟之案今亭樹俱無存
互詳名蹟

靜觀亭萬歷志舊在復初書院口楊志作大非橋後判官鄒守

益建楊志今圯

毓秀河萬歷志在儒學前永樂九年知州楊瀚案職官志作翰廊

地鑿河宏治二年知州辛禮易民田而增廓之萬歷十

五年知州陸長庚又增鑿河之南名以毓秀東盡學田

五畝五分西易李棟田四畝二分視舊河加三之二焉

水自西而東折經梯雲橋繞於儒學北又濬龍門水入

會龍池歷文明溪會于北水關後水關以久雨之故外

水沮洳反滄田禾因塞焉學前河干舊有曲檻已廢知

州段猷顯于河上栽桃李河中種蓮規制益偉

附魚鱗在城都壹畝天字壹百陸拾貳號學塘東至青

雲樓南至學田馬田西至塘埂北至口口長柒拾伍弓

橫叁拾伍弓積貳千陸百貳拾伍弓計塘拾畝玖分叁

厘柒毫伍絲 天字壹百陸拾玖號小學塘東至馬田

南至官塘西至石橋塘北至馬田長肆拾壹弓橫東捌

弓西肆弓貳尺積貳百伍拾肆弓貳尺計塘壹畝伍厘

玖毫壹絲陸忽 天字壹百柒拾叁號學塘東至馬田
南至平步橋西至學基北至橋溝長柒拾弓橫拾捌弓
積壹千貳百陸拾弓計塘伍畝貳分伍厘

廣德州志卷九

營建志 學校三

學校 三

舊復初書院明嘉靖初判官鄒守益所建者即以尊經閣

爲之萬歷間禁立書院遂廢 詳見尊經閣李志歲貢生李邇

泰於青雲樓側新建書院 案邇泰貢於康熙四十九年則所建書院係康熙年間事

迎鄒東廊及從學九人並邇泰父李怡璿木主共祀之

案東廊木主稱迎祀當係學中鄒祠圯而迎祀於此者至李怡璿何以附祀亦未言其故考楊志稱李徵儀建二楹于鄒祠後或係李氏世奉鄒東廊邇泰輒以其父從祀與雍正五年改爲節孝祠



移木主於斗南書院

斗南書院另詳後

乾隆四年李德洋同族

衆復建復初書院于斗南書院側房屋六間案今屋與

主俱無存

復初書院在

文廟西本前明學正署基也地名西衙基

見康熙年魚鱗冊

康熙四年移署於

文廟東六年以舊署樓

房爲四先生祠三十年後又以餘地建祠祀知州毛渾

雍正間四先生祠圯別建於尊經閣左乾隆二十年間

毛公祠圯移主於學此地遂爲蔬圃四十七年知州石

應璋從輿議以正誼書院近市湫隘因於此創建書院

仍榜其門曰復初儀門內講堂五楹顏曰明善堂卽東

廊先生所題尊經閣下之舊名也其東爲文昌宮三

楹中奉文昌左祀鄒東廓

自普濟菴移奉詳壇廟

明善堂後爲

山長退息之所前有池乾隆五十七年設修志局於此

總纂周廣業植蓮其中開花甚盛因名之曰愛蓮其西

北兩傍餘地舊爲隣人佔去郡紳呈請清理學正王其

福訓導吳景濂詳請知州胡文銓勘丈斷復地址壹畝

伍分餘西北更築垣墉而基址始正

魚鱗冊在城都一畝天字壹百柒拾柒號西衙基東至聖殿南至殿街西至許墻北至尊經閣長伍拾捌弓壹尺

橫叁拾叁弓積壹千玖百貳拾
弓陸尺計地捌畝貳毫伍絲

國朝石應璋重建復初書院志序前明嘉靖中豫章鄒文
莊公謫判廣德初復初書院維時多士奮興彬彬稱盛
會神廟飭禁而書院遂廢我

朝右文重道屢
詔郡縣各立書院康熙五年郡人建茅茹書院于明倫堂
東不久旋廢雍正八年寧郡司馬徐公來署州事于范

祠傍建正誼書院規模未備嗣長白恒公增建學舍然
亦未籌經費余于乾隆丁酉承乏茲土因集紳士圖經

久之規捐廉以倡邦人亦踴躍樂輸于是山長修膳諸
生膏火不至匱乏然終嫌學舍湫隘歲壬寅紳士以經

費稍裕請別建書院于文廟西因出前所輸者若干
緡鳩工庀材經始于癸卯二月越三月而落成仍名曰

復初俾誦習于斯者顧名思義不忘文莊理學之傳庶
幾仰副

聖主作人之意會余移守滇南紳士綜其經費定厥規條
勒為復初書院志乞余言以弁簡端爰詳其建置始末

以冀後之君子共相培植毋使淪廢是余之志也夫
周廣業題復初書院贈倪雪汀同年笄山嵯峨峯鼎峙

沿灤桐川縈秀水橫宇西去講堂新鼓盪春風烝髦士
綏安自昔開儒宗玉溪扁表查清容先醒教誘洵稱善

方領矩步來雍雍朱草如鉞芝如豆初稟何人非異秀
工力全歸復執賢栽培根遂實斯茂祇今樂育歌菁莪

藻花香滿鸞聲和兩廡誦絃試靜聽扶風絳帳高才多
壬子春日于書院前池植荷五月十四已開一花喜

占六首錄四半畝芳塘浸碧漣春來種得藕如船愛他
水面平鋪鏡寫出明珠顆顆圓南塘幾許過人頭花

雨頻催可待秋昨夜漲痕添五寸波心皓月一輪浮
鷗眠鷺立自相親獵獵菰蒲亦作隣風味乃翁堪想見

看從初日倍精神插柳沿溪長嫩條漢南他日恨難
消只今葉葉花花際文瑞龍陽欲細描詩成同事戈

仲占章仲山潘汝霖濮陽醇甫沈坦人煥文王羨遇各
有和章既而花連發數十朵叠前韻六首錄三家近西

湖清且漣曉涼唱徹采蓮船此花臭味真吾輩不比輕
萍逐浪圓不染纖埃方是淨漫施膩粉豈能勻夜來

學校

學

學

學

學

風雨驚鷗夢認取亭亭玉立身 東廓風流近可親龍
谿洪甫接芳隣靜看出水芙蓉意傳得當年象外神
〔戈溱前題次韻錄一〕風晨月夕數相親君子花為君子
隣一自濂溪評定後更誰揮灑與傳神 〔章毓良錄一〕
不貪雪藕長千條最喜煩襟對此消借問寫生誰妙手
藐姑山上倩同描 〔潘躍龍錄一〕蒲掠涼飈藻纈香一
株倒影浸鴛鴦淨綠會結西來佛楚客空聞賦集裳
〔濮陽狝錄一〕移來泮水倍相親未許凡葩近作隣冰雪
肌膚空比似靜中領畧是丰神 〔沈履仁錄一〕花開菡
苞記從頭鑿此方塘二十秋不是移根來玉井那教水
面有香浮 〔沈煒錄一〕雙雙白鷺立灘頭楊柳風涼六
月秋一曲蓮歌新唱徹水雲鄉裏暗香浮 〔王文琴錄一〕
栽蓮自合愛蓮人一朶清香細復勻漫道淤泥全不
染由來仙骨是君身 〔胡文銓癸丑五月八日復初書
院送諸生肄業作〕草靡東西為嚮風從無小大噉鸞中
承師端在鍼磁引聽講緣知水乳融活潑桐流觀有本
峻嶒笄岫想成功自茲雅化駸駸上不倦栽培六載同
〔周廣業癸丑五月二十四日復初書院課士用胡衡

齋太守韻積雨初收舶趙風英流雲集講堂中銜魚愧
我非楊震倒屣何人是孔融但使心源無點翳須知性
術有全功文莊教澤畱傳遠炳燭還期日出同 〔王其
福總纂周耕厓修郡志竣畱主講席用前韻奉贈〕珥筆
曾披良史風新沾化雨絳紗中汝南問俗來應劭關右
傳經得馬融肄雅入官宜慎始設科尚德首程功育材
試詠菁莪句治事慚非湖學同 〔胡文銓復初書院池
荷院長周耕厓所植去年即開百餘朶今歲尤盛六月
二十三日諸生邀同讌賞即席呈耕厓及在坐諸君隔
歲會栽半畝塘濂溪愛澤得綿長玉環合影雙清照衣
鉢傳心一瓣香客到靜時都入畫友從浮處儘流芳碧
筍飲滿休辭醉四座風含笑語涼 〔王其福前題和韻
追陪良讌傍池塘習習荷風引興長天近秋時忘溽暑
境疑水國度微香旌旄駐處畱棠愛珠玉揮來挹藻芳
更聽濂溪談妙諦品評淨植欲生涼 〔吳景濂前題和
韻〕亭亭菡萏溢金塘高會羣仙逸興長難得微風消溽
暑最憐淨植發幽香引杯共樂濂溪愛把酒欣歌召伯
芳追侍自慚才謏劣但看魚戲納新涼 〔周廣業前題

和韻嘉賓高會接方塘為愛亭亭茹蕊長無語應知空
 卽色靜觀別有韻生香與來移席消煩暑醉遣揮杯勸
 衆芳自此江南花事盛採蓮唱徹月華涼前題呈胡
 太守兼在坐諸君淨植居然滿碧池憐渠玉骨與冰姿
 金樽翠杓同歡賞淡日輕雲好護持泛綠客依王仲寶
 出波賦就魏陳思敢云會費栽培力實遂根深理易知
 王其福前題和韻嘉名新錫愛蓮池萬柄欣看弄好
 姿花際文明增的爍客當讌會少矜持那歌太華生遐
 想好仰濂溪發古思杯酒感君酬曲沼年年盛放報相
 知吳景濂前題和韻客歲方移今滿池欽君道氣發
 清姿濂溪世派春風坐桐汭文才玉尺持澗露冰華邀
 醉賞迎風翠葢惹幽思坐間均歎栽培力地利人功所
 共知周廣業題文昌宮吳會開元化文壇莅貴神
 於中論秀士到此識完人寶氣思蒼頡和音協熾鈞寄
 言香案吏默

書目

十三經註疏一百二十本 經義考四十八本

衍義補纂要五本 朱註發明十本

陸大全二十四本 困勉錄十六本

十七史一百八十六本 明史七十二本

通志畧二十本 漢魏叢書六十四本

唐宋叢書二十四本 奏議六十四本

經濟類編五十本 朱子遺書十本

楚詞燈一本 文苑英華一百一本

宏簡錄六十本 東漢文鑑四本

西漢文鑑四本

唐文粹二十本

宋文鑑六本

元文類十四本

金石錄六本

宋百家詩存十本

宋詩鈔二十本

元詩選三十二本

明詩綜二十四本

韻學大成四本

文範四十二本

文待二十六本

文定二十本

文閑三十本

文在二十本

以上書三十三種生員濮陽恕愿懋慰憲愚捐助

附濮陽恕捐書啟畧云伏願奇文共賞秘笈同珍暴以秋陽好比郝隆之腹辟之香草不殊屈子之騷庶曼倩才高讀至四十四萬而后蒼學博傳來三百三千又云四庫之奇誠多未備七畧之廣尚待徐求更祈紳士同心車共搜夫惠子足見鄉邦崇教舍益啓於文翁久遠是垂欣幸無既

文昌通紀二本

關帝事蹟徵信編六本

以上書二種掌教周廣業捐存

萬厯志四本

生員楊浹捐存

續萬厯志四本

志局購存

楊志六本

生員劉喆捐存

門志六本

李志八本

正誼書院在州治東南狀元坊范公祠之東其址本前明

南察院基也雍正八年署知州徐敦蕃創建為屋三層俱東向顏其堂曰滙秀門題正誼書院按月課試士子於此李志失載乾隆三十九年知州恒豫以門前尚多隙地移建門於外更於滙秀堂前增建講堂三楹并左右舍房十六間以為鼓篋之地自四十七年興建復初書院之後此院遂為寅賓之所矣

斗南書院在青雲樓南屋三楹舊門南向今改右傍西向楊門志俱未載李志附見復初書院下亦未詳建於何年

翼興書亭在斗南書院西屋三楹西向門標翼興書亭四字前志未載興建無考中奉訓導慎菴張公署學正清須張公二神牌失其名有田道士收租詳後每歲四月初致祭其中上有西銘講席匾當係兩張公課士之所也茅茹書院楊志明倫堂東康熙五年士民公建學正荆振日撰記案今為訓導署見前

社學萬歷志東社學在州治東舊與城隍廟對宏治十五

年知州范昌齡遷建於廟左

案萬歷職官志中載范昌齡十七年任而此云十五

年當西社學在州治西杜橋右

案康熙魚鱗冊黃字二百六十號社學基丈地

七分長二十弓橫八弓二尺積一百六十八弓南社學東官溝西陳牆南官街北孫地土名圓通閣

在南門內距門三十步許北社學在州治北斗門橋左

案土名沈家衝地四分四厘見魚鱗冊四學俱成化四年知州陸鳳建宏

治中知州楊樸同知楊慶重建案楊樸任在范昌齡前楊慶任在宏治末官不

同時當係正德十二年知州周時望嘉靖七年判官鄒前後繼修

守益各加修葺萬厯間知州吳同春段猷顯相繼葺而

新之楊志俱久廢康熙四年知州楊苞建新義學於東

社學故址延塾師其中願受業者入焉案未幾亦廢其

址尚在城隍廟左北社學基門外猶有磚刻北社學字

楊苞重建義學示金必就冶而成器玉必待琢而成章

人必從學而知義桐之子弟實多俊秀但家無擔石負

笈維艱遂致有用之材甘自暴棄良為可惜今本州設

立義學於城東延以塾師一切修膳之資悉為捐給聽

受業者詣館讀書無負宏獎人倫之至意為此示仰槩

州士庶人等知悉凡子弟奮進無門及父兄貧乏無力

者俱速赴義學俾朝夕訓誨以資成材各宜勉旃毋得自誤

案郡書院創自文莊湮廢已久近始力為興復而功

緒未竟諸生肄業無所每逢課試不惜捐貲膳獎俟

經費稍充尙思有以恢廓之也

學田 祠田書院田附

學田李志學道項下田叁百肆拾捌畝柒分柒釐伍毫案坐

落長岡舖原額租穀貳萬伍千貳百貳拾貳觔半每年舊例

折租穀銀陸拾叁兩伍分陸釐陸毫內除納各項糧銀外餘銀解赴學道

案萬厯志載學院項下田叁百伍拾畝柒分柒釐原

租貳萬伍千捌百玖拾陸觔楊門志田少貳畝租少

伍百餘觔李志因之今學中所收又減李志之數而

完納糧銀之外每年餘銀解藩庫兌收亦非徑解學

院矣

學山李志東鄉長岡舖學莊山共拾號計肆百肆拾肆畝
肆分玖釐柒毫給各佃戶取柴無租 南鄉一團安都
四畝長歷山叁百陸拾畝一木東都分水嶺山拾畝一
木東都一畝遺子冲山貳拾肆畝一大塘冲山拾畝一
七里岡許冲保山柒拾畝一木東都二畝丹井山伍畝
一道和冲葉佛保山伍拾壹畝一錢村保山柒拾貳畝
伍分一楓林冲山拾伍畝一大塘冲山拾伍畝貳分一
胖牛塢山貳拾畝一七家冲山拾伍畝一稻禾冲山拾

壹畝陸分一四茅冲山叁拾陸畝一四十都三畝柴山
二號共玖畝壹分一團安都二畝山貳拾畝一青坦都
一畝竹山六號共拾柒畝壹分 西鄉一木西都百家
灣山二號共計拾玖畝一杜塢冲山三號共計伍拾玖
畝一木西都二畝山肆畝一黃栗山柒畝一十六都
茅道菴山叁拾畝一旌孝都廣陵冲山陸拾肆畝 北
鄉一湖南四都一畝山叁拾肆畝零壹分湖南六都山
陸拾叁畝

案萬歷志稱舊志云本州儒學原有欽賜田山惟山

歷歲久爲民家侵業者過半師生相代不一鮮有注意而復之者今備記其數以冀畱心學校者據而復之一號叁拾畝一號叁畝一號貳拾畝俱在湖南六都石子岡一號貳畝玖釐在湖南六都施村保一號叁拾畝在十六都茅稻菴一號叁百陸拾畝在團安都長歷山一號貳拾畝在木東都七里岡一號貳拾畝在木東都稻禾冲貳百柒拾口號拾伍畝貳百陸拾玖號拾伍畝貳百玖拾伍號拾畝貳百玖拾陸號肆畝貳百玖拾柒號壹畝叁分叁釐叁毫叁百貳號

肆畝叁百叁拾叁號貳拾畝叁百肆拾捌號拾伍畝叁百伍拾壹號叁拾畝肆百貳拾柒號拾畝肆百叁拾捌號叁畝肆百叁拾玖號計地壹畝肆百肆拾號拾玖畝俱在木東都茶山貳拾畝在唐上都租茶壹百貳拾筋此後有脫簡故未竟其數今李志所列一仍楊門志與萬厯志雖稍有異同而計其山尚有千餘畝之多在萬厯時已云民家侵業豈越至於今而反釐然具足耶現在學中所收十不得一有名無實然載在魚鱗冊者仍不減千畝是康熙間丈量時其

數均會核實特百餘年來又復失業耳今據李志開載以存其舊云又案楊志載湖忠都田叁拾伍畝零明知州何鳳起段猷顯置每年租穀貳千觔內除納糧外一半給發禮生一半為學宮排蓋之用門李今志同田現存坐落水東橋地方每年學中收租一半完納錢糧其半給禮生如故

四先生祠田楊志學正沈儀買田叁畝坐團安都姚儀等佃取租供祀門李志同案今田存儒學坐落石香爐邊

鄒東廓祠田楊志張榜助田叁畝坐南門外李天植助田

捌畝坐文昌閣邊知州段猷顯助田肆畝坐南郭大路寧國通判戴子孝署州事助田壹畝伍分坐倉基同知張士化助田貳畝坐北門外祀復初書院其田舊寄李肖戶遞年取租納糧外買豕一充祭胙送州學門李志同案今田僅有捌畝詳壇廟段公祠條下

存忠亭田楊志學正李日滋買地租銀叁錢備取銀杏時小祭門李志同案今地無考

文昌祠田楊志共玖拾壹畝壹分肆厘地柒畝柒分柒厘柒毫山貳拾陸畝共折租銀拾肆兩玖錢陸分每年取

租納糧外春秋辦祭散胙門李志同案舊志不載坐落今田山俱無可考

九烈祠田楊志田玖畝貳分柒厘每年取租納糧外餘春

秋辦祭李志今祠圯田歸文昌閣見後

六賢祠田楊志田陸畝捌分伍厘每年取租納糧外餘春

秋辦祭李志今祠圯田歸文昌閣見後

閔公祠田楊志田肆拾壹畝零原在濮陽允戶內當差順

治十四年耆民孫允昌控知州秦確批撥儒學經管每

年取租納糧外餘春秋辦祭給胙案今田存儒學坐落

雙孝都一畝荷花塘祠在州治東關帝廟中春秋致祭

如故互詳壇廟

案舊志此下載崔公祠田今查田係耆民經管故移

載壇廟

青雲樓田楊志生員盧琦名趙先簡濮陽至鄭啓宸陳懋

進包元翻濮陽遇昔雲銓周稷雲旭戈啓鍾李怡璠楊

永年葛怡洪謹共置田壹拾畝每年收租完糧外以爲

會課之資李志乾隆四年知州李國相清查存田捌畝

柒厘捌絲新墾河田肆拾壹畝陸分貳厘貳毫叁絲案

今河田青雲樓道士卜願華管業其李公所查之田今已無存

文昌閣即三台閣田楊志明甯瑞鯉助南門外田叁畝學正李

日滋買洪一聘原豐都田伍畝供祭帝君李志乾隆四

年知州李國相清查原田無存舊九烈六賢二祠俱圯

木主移閣中田亦併歸焉共拾陸畝壹分貳厘案今閣

久圯田歸青雲樓後被道士賣去乾隆二十年卜願華

贖回僅存田拾壹畝貳分坐落小東門外餓殺圩捌畝柒分葛家冲叁畝叁分

年收租完賦外餘辦九烈六賢祠春秋二祭

翼興書亭田案慎菴張公有田肆畝捌分坐小東門外高堤上青雲

樓道士卜願華收租納糧辦祭清須張公有田伍畝捌

分坐揚令圩祠山殿道士宗自通耕種納糧辦祭

舊復初書院田楊志明嘉靖初判官鄒守益置膳田叁百

餘畝供四方來學資諸生紙筆燈油婚喪及修書院用

二十年督學馮天馭檄判官王杏覈之萬厯十年禁書

院田俱鬻于民間十二年知州陸長庚捐俸贖還學田

後歸督學項下

案楊志稱歸督學項下猶前明事也今學中有康熙

間舊冊不及百畝而尙有久經失業者稽之魚鱗冊在城都頗多孔復初田詢之學中並未管業是其失在康熙以後矣失之前明者固不可追卽失之近今者亦豈易言復乎又案李志稱乾隆四年李得洋同族衆復建復初書院贖原田壹拾捌畝以供春秋祭祀據云原田又云供祭當卽指鄒東廓祠田也今止存捌畝已詳壇廟

茅茹書院田楊志康熙六年楊公捐俸置田壹拾玖畝叁分遞年取租完賦外以爲書院修葺之費又生員鄭啓

宸濮陽至趙先簡陳霖雲銓周稷盧琦名包元翮陳懋進雲旭楊永年濮陽遇皆丁儀淳戈麟長施乘龍戈襄等置田壹拾陸畝坐落西門外玉溪關每年收租完糧外以爲書院會課之費李志楊公田盡鬻他人續置肆號田拾柒畝坐落東門外汪村圩沈士福趙伯達王錫纓等經營其諸生田拾陸畝皆各家後人經營又小注云以上兩項田今並寄儒學完糧

案此二項田今俱自立楊公祠戶辦糧殊失置田本意諸生後人尙知在青雲樓致祭楊公其沈趙王三

姓所管田竟忘所自來矣

復初書院田乾隆三十九年知州恒豫勸捐田貳拾壹畝
 四十年知州趙滂勸捐田伍拾柒畝玖分四十二年知
 州石應璋勸捐田伍拾玖畝陸分五十年知州穆通阿
 勸捐田拾貳畝壹分以上共田壹百陸拾畝零陸分共
 收租穀壹百貳拾壹石內拾玖畝伍分乾隆五十五十
 一等年暫抵與俞丁等姓未歸
 其歷年捐助典田共拾肆畝零每年租穀拾石餘係活產聽贖日後收價存公不在此數又知州趙
 滂勸募朱灣埠地貳號計貳畝壹分租錢貳拾壹千文
 又知州石應璋清理東西兩察院廢址歸入書院定取

東察院地租錢拾貳千文西察院地租錢肆千陸百肆
 拾文四十九年東察院基蓋造市房開成新街計樓房
 貳拾貳間平房伍拾間每年共收租錢叁百餘千又東
 城外迎春坊續置平房兩進共陸間每年收租錢拾貳
 千五十六年知州胡文銓准將西察院基租造典舖每
 年收租錢貳拾千遞年除納糧銀外充延請山長及諸
 生膏火與修葺書院之用

賑貧田李志按院曹公陳公宋公田公四院賑貧田陸拾
 肆畝柒分雍正十一年奉文歸州經理知州詹宜倫按

畝清查除築埂蔭護學宮拋荒各田外實存田肆拾陸
畝捌分壹厘每年收租叁拾石叁斗貳升內除陸石玖
斗肆升柒合完糧其餘詳請賑給貧生

建平縣儒學

建平縣儒學在縣治東南縣志舊在縣東門外河堤北岸

南畿志宋建燬于兵紹興間郡守洪興祖重建萬曆志

圯於水楊志淳熙二年縣尉趙善興又建慶元間知縣

葛採以其湫隘將新之僅建大成殿而去寶慶改元知

縣章一壁建明倫堂案王遂贍學圩田記稱紹定間章君

始建考寶慶三年改元紹定當逮元至元大德間學燬

係落成于紹定間也記見藝文萬曆志明洪武中縣志洪武二十九年明知縣宋禮重

建中 文廟左右為兩廡前戟門門之左右為名宦鄉

賢祠又前為櫺星門 文廟後為明倫堂又後為射圃

堂左為會饌堂進德齋右為祭器庫修業齋後為號房

楊志正統十年知縣李觀重修宏治辛酉水漲堤決學

遂大廢正德十一年署縣判官況照重修案宗璽撰嘉

靖辛酉廟宮圯知縣林應彩遷於縣東南半里許案建

稿稱本趙氏祖塋地遷規制未備州守鍾振知縣高常

墓改學事載趙氏譜中案鍾高俱隆慶末年任則修在

嗣葺之萬曆初也曹大章撰記見藝文萬曆丙戌知縣

潘桂重修萬曆二十六年知縣朱之楫復建原所不數

歲水溢垣圯萬曆甲寅知州張嗣誠知縣向萼輝仍遷

於內從彤家言少改前向即今學也天啓甲子教諭鄧

京捐金建櫺星門啓聖諸祠文昌閣魁星樓聚奎書院

觀瀾亭東西兩齋基址俱丈量勒石記附

明宗璽重修儒學記建平儒學瀕於溪之北厓東西築

土為隄邑之居民皆仰流而處廣德一州之水悉由是

行以注於江隄固則學完隄決則學圯往往然也宏治

辛酉歲水暴隄決學圯甲子復決益圯正德戊辰己巳

庚午間連歲決遂大圯日就荒廢逢時多事有司不暇

顧此者凡十五年或以為言則曰力未暇且人心未樂

從也歲之乙亥縣缺尹節判况君照來掌邑事君本名

之荒廢狀上于當道請君專董事君日照知所以處此
 矣乃折簡召諸大姓潘桓宗時等皆以貲來惟令之從
 時郡守周公時望行縣因加勸諭焉經始於是歲之冬
 先大成殿次東西廡次戟門學門明倫堂會饌堂以至
 講誦之所棲息之房皆加葺治櫺星門科第坊舊用木
 腐爛今各易以石尊經閣致齋所宰牲所儀門射圃廡
 庫鄉賢名宦祠舊闕典今咸備其制其成也積屋凡二
 十區其數總一百一十間用人之力積一十二萬五千
 八百工良材堅燬之用凡二十五萬七百有奇期以丙
 子歲仲秋之月落成新尹高君奎適至教護益力遂不
 愆於初夫學之荒廢久矣欲完舊為新議者固難其始
 惟其令之一倡不期月間厥材不賦而羨厥工不勞而
 成則向所謂力屈於他而未暇又謂人情所不樂於學
 者其果然乎哉壘濫官西江今茲蒙恩俾得待罪西廣
 過故鄉謁於學門喜其嚴嚴翼翼壯偉闕麗有非疇昔
 荒涼之狀周視而樂道者再三然後去次日黎君率其
 僚踵門請曰先生不可無記遂為記其歲月使刻諸石
 以為良有司式

鄧京儒學清界記郎庠不恒厥居有

東闈內之學復有東闈外之舊學闈內之學今儒學也
 於縣治位東南而河負街大街之水南北分流正繇良
 而來學基脉脊也學北之東望傘巷口大街學北之西
 望寺巷口大街而皆未達於街所謂橫龍宜貼脊者此
 也其四界東之北起舊官井小巷尾折而東折而南又
 折而東歷小巷至公館西牆頭再折而南歷公館之西
 折而東歷公館南新墻至王姓樓房折而南歷王姓樓
 房魁星樓基楊與沈之樓房折而東歷沈姓廟墻至南
 巷又折而南至河岸踏埠皆東界也南之東起南巷口
 河岸歷泮池之南龍頭石直抵倉巷口河岸歷聚奎書院之
 界計六十五弓西之南起倉巷口河折而北歷聚奎書院之
 西折而東歷錢姓門前至文昌閣折而北歷史姓歸路
 及史樓墻之東折而西歷史姓樓墻後至倉巷大街折
 而北歷倉巷大街至史店側墻皆西界也北之西起史
 店側墻歷居民後墻至殿後墻中直八弓歷聖殿至賢門四
 弓繇居民後墻至殿後墻中直八弓歷聖殿至賢門四
 十七弓三尺歷門前泮池至河岸龍頭石二十五弓三
 尺合得八十一弓一尺此縱數也由南巷轉入魁星樓

至泮北衡衢之東二十二弓又至泮北衡衢之西二十
 五弓三尺又歷文昌閣抵倉巷口二十六弓統為灣衢
 共七十三弓三尺此衡數也若夫廟堂居中撐之蓋之
 塗聖之母俾腥穢干之水火邇之以安先聖先賢先儒
 靈而博士弟子員亦施及于床蔭中央之表區而成八
 正北為後屏則新築東西土墻規地一方為將來尊經
 閣前丹墀址東北啓聖祠則重修兼以新創西北空地
 則召門役造住歲課其地租以備廟廡諸祀樓門小修
 之費正東為東齋署正西為新建長齋與西齋署正南
 為前唇則補隄填闕以正之發衢開泮以萃之東南為
 天門則易民居請官地以拓之構魁星樓以表之西南
 為地戶則鼎建文昌閣觀瀾亭以鎮之諸彥士復議
 聚奎書院以翼之歲值楊柳諸樹以蔽芾之此為郎庠
 之中區八表也

國朝貢震重修縣學記建平學宮自宋元以來在縣東門
 之外里許址瀕於溪數有水敗明嘉靖間林令應彩度
 地南門內得趙氏祖塋於清河坊形家以為吉乃以南
 鄉管家園地易諸趙氏俾遷其壠而舩為學基高令常

嗣營之萬歷中向令萼輝復加修飭已而廟殿漸傾毀
 崇禎十年何令宏仁更修之需銀二千餘兩邑士史大
 典獨任其費又捐入學田五十畝順治初大典從孫象
 先復捐貲修葺我

朝文教聿興百餘年來兩江人文甲天下而建平稍不逮
 焉乾隆九年長洲韓君履會來為令謀欲鼎新文廟以
 振起士風紳衿者民忻然捐助得銀三千六百餘兩經
 始於十一年春三月至秋而韓君調任石埭白君福繼
 之余又繼之閱七年而功始竣殿宇崇闕門廡整肅綜
 理其事者教諭朱君士楷訓導劉君賜及邑士鄉耆等
 實有勞焉夫設學之義昔賢論之詳矣茲邑地僻民勤
 風俗淳樸而士氣不揚者何也無乃因仍故習質美而
 未學者衆與聖人之教莫先於文而我

朝以經義取士蓋將使之沉潛經訓代聖賢以立言是固
 非多讀書而勤為之者不能工也蘇文忠公述其鄉先
 輩得書之難而深惜夫今之學者有書而不讀茲邑之
 士揖讓乎泮宮喟然而深思其繇此而務學也哉夫博
 覽為格物之資而明理乃躬行之路異日者蘊之深厚

而發之光明其必自讀書始矣

先師廟楊志明崇禎丁丑廟宮圯鄉賓史大典鬻產修建

縣志明末毀于兵

國朝順治六年大典姪孫生員史象先捐修康熙四年知

縣李景燦修戟門及櫺星門十七年知縣張顧行重修

文廟二十四年恭懸

御書萬世師表匾額于大成殿三十八年知縣茅成鳳重

修雍正元年恭懸

御書生民未有匾額于大成殿八年櫺星門圯知縣衛廷

璞重修縣申稿乾隆三年恭懸

御書與天地參匾額于大成殿九年知縣韓履曾倡修殿

宇門廡未竟而去十一年知縣白福十四年知縣貢震

相繼成之貢自撰記

附後

三十四年知縣王惟一重修其

泮池舊係義士岑紹芳捐濬于櫺星門外四十五年改

建照墻填塞重開于戟門外紹芳裔孫生員玉成伊生

高生允超等捐砌教諭陳鏞撰記四十五年又募建泮

橋三而廟前規制始備

禮器楊志列爵簋簋鉶象尊犧尊酒尊大香爐大花瓶

小香爐

以上俱銅器

鐵香爐花瓶銅鑼火盆銅盆銅磬銅鍋

竹籩木豆滿堂紅等件縣志稱自明季兵燹悉為灰燼

康熙三十八年知縣茅成鳳教諭劉震補置後又什不

得一雍正九年知縣衛廷璞捐置帛篚白磁爵銅爵酒

罇登銅簋簋籩豆各如制

樂器縣志舊無樂器雍正九年知縣衛廷璞捐置編鐘

編磬祝敔建鼓拊鼓琴瑟簫笙鳳簫橫笛壎篪翟籥麾

引節

崇聖祠在 文廟東北天啟四年教諭鄧京建

忠義孝弟祠縣志在 文廟西雍正六年知縣衛廷璞奉

文建案縣祀姚恕以下十五人

名宦祠在戟門左

神位

施德懋

宋理宗時知縣事

趙時踐

宋德祐年攝縣事殉難

魯鐸

明永樂年知縣事

黎貫

明正德年教諭

張嗣誠

明萬曆年知本州事

張顧行

國朝康熙年任知縣

案以上六人皆官於廣建者事詳宦績縣志稱從前

設有木主尚有周起元范承勳陳鵬年李鈞劉果張

秦交張元臣余正健皆總督巡撫提學等官祀于各學名宦祠者也

鄉賢祠在戟門右

神位

吳應龍

宋嘉定進士詳名臣

章汝鈞

宋淳祐進士詳名臣

孫昇

明永樂進士詳名臣

謝士貞

明永樂間任本學訓導詳儒碩

呂盛

明宏治進士詳名臣

趙參軍祠在忠義孝弟祠之北祀宋廣德司戶參軍攝縣

事趙時踐縣申稿祠舊在東門外儒學之西明成化辛

卯知州周瑛知縣康文建嘉靖時學內徙而祠遂廢

國朝乾隆十七年知縣貢震重建于此貢有記五十五年

生員宗雨田募修邑令周作淵捐置祠田

周瑛趙參軍祠記人之所受莫如身尤莫如家乃宋趙公時踐以廣德司戶攝建平縣事德祐年元兵南下城破赴前溪死其男女妻妾童僕凡八人俱從赴溪死焉嗚呼是所謂臣以君死子以父死妻以夫死故甘心使家無噍類者與宋社既屋名用弗彰後二百年為成化辛卯莆田周瑛知廣德州延訪故老漫無記憶今年夏讀志書見繆霆起所為死節傳因告知縣康文曰聖王之制祭祀以死勤事則祀之趙公非所當祀者乎文曰唯退卽學宮擇地於西址築宮方丈六月乙酉遷主其中瑛率官屬以弔以安禮成告於官屬曰人生皆有死當死而不死雖生無益也使為臣者學趙公可無賣主為子女者學趙公之子女可無賣父為妻妾者學趙公

之妻妾可無賣父為童僕者學趙公之童僕可無賣主不然生也奚為文曰是祠之作大有關於世教不有述何以示來世因為論敘其事俾刻諸石以告守土諸君子貢震重建趙參軍祠記宋季趙公之死節在帝鼎德祐元年同時繆霆起為作傳明成化間縣令康君始建祠於學宮之西知州周君有碑記時學宮在縣東門之外嘉靖中學宮遷於南門內而祠遂廢乃奉木主入名宦祠縣令連君刻傳於石余惟趙公之高義宜有專祠乃與學博朱君劉君度地於忠孝祠之北構堂三間改題木主而配享以同時家屬死義者嗚呼士不幸而以節見慷慨之與從容固未易以優劣論也禮不云乎謀人之邦邑危則亡之公既死於封疆而一時子死其父妻死其夫僕死其主於是乎前溪渺渺遂與湘沅相流嗚呼豈非勇於赴義而全歸者與自公之沒二百年而後有祠不百年而廢又二百餘年而後復祠始建在學宮之西而今祠仍在大成殿之右意祠之興廢亦自有時而趙公之名固宜與先聖宮牆並垂不朽夫山川特大地之窪隆而城邑者郵驛也是故人不以地重

而地以人重而又况乎仁人君子之捐頂踵於茲土也與今也由祠而望步乎南門臨乎前溪悄然而思慨然而賦庶此邦之士有以知人紀之為貴而余亦不第為空言也夫

觀瀾亭明天啟中教諭鄧京建楊志今祀教諭鄧京張陽

豫于內案楊志此處作張豫陽而職官志中作張陽豫查縣志及李志亦俱作陽豫今據改

文昌祠在泮池左縣志雍正七年知縣衛廷璞教諭王家

相訓導蕭士瑛建

魁星樓楊志在明倫堂東南今廢

土地祠楊志明倫堂大門右為土地祠左為省牲所

文昌閣楊志舊學基在東城外河負墩明崇禎元年學

正鄧京丈量而為之記康熙壬寅知縣柏肯堂于其東偏建文昌閣

國朝柏肯堂文昌閣記建邑舊學即今之甘露菴前明因水圯而遷于城其舊址為佛寺以建之大勢而論此地屬巽則文筆峯宜高宜敞因于巷東建高臺重樓用以鎮控東南之氣位文昌及魁星于上其下為諸文士課業之所計三月興工十二月告竣樓三重高四丈五尺周廣相稱飛簷層欄巍然巨觀矣予固樂觀厥成諸文士亦當勉乎哉門志

明倫堂縣志在 文廟東雍正六年堂及前門俱圯知縣衛廷璞教諭王家相訓導蕭士瑛重修縣申稿乾隆四十七年又圯生員岑大鵬錫穗玉成鳴臯廷揚濟舟聚

五鈞贊等率族眾捐銀二千餘兩重建

尊經閣楊志址在 文廟西未建

案郎學書籍楊志列十七種縣志所列同而稱前代兵燹寸紙蕩然且尊經閣尚未建寶無藏貯之所縣申稿稱舊志所列空名而已自奉頒經史各書例入交代冊始實有存貯之書而其書日均與州同故不復載

教諭署楊志在 文廟西縣志康熙三十七年教諭劉震重修

訓導署縣志原有二今圯其一建平存稿一在教諭衙西

一在明倫堂東

案明倫堂東今訓導現居之署也其署左餘地康熙年間借建把總署又其東

南有趙祠乃知縣貢震因學基原為趙氏祖塋地允以餘地聽其子孫建祠于此

聚奎書院縣志明天啟間學正鄧京建康熙十二年知縣

高自遠修今為義學

郎川書院在北街縣申稿乾隆十七年知縣貢震葺縣東

陳公故祠為之三十五年知縣王惟一拓地重修四十

六年知縣周作淵因其湫隘與城北育嬰堂互易即今

書院也

義學楊志樓三間在開法寺大殿後知縣柏肯堂建縣申

稿康熙六年燬于火

社學萬歷志東社學在叢桂坊西社學在善政坊案楊門

李志及縣志均不載所在則已久無可考矣

學塘楊志在饌堂西北約四畝許

學田縣志載現存田壹百柒拾叁畝零地叁畝玖分山伍

拾肆畝又云舊志載山田塘地共叁百叁拾餘畝以今

較昔已多所湮沒矣縣申稿乾隆二十八年奉各憲批

發禪墩菴犯僧充公田壹百拾玖畝地叁畝收租完糧

外餘爲修葺之資

書院田楊志開法寺義學知縣柏肯堂設有膳田十六畝

縣申稿知縣貢震歸入書院又歷年公捐及貢令周令

作淵畢令所所撥入田壹百叁拾叁畝陸分地柒畝伍分

山拾捌畝市房伍間取租完糧餘供膏火

不食...

...

...

...

...

...

...

...

...

...

...

...

...

...

...

...

...

...

...

